

縣志稿卷一

陝西省圖書館藏書
D 6315 30
錢原 12791

00807

商南縣志全圖

圖考

按周禮職方氏掌天下之圖辨其邦國與其財用周知其利害此圖之所自始也邑山川地理之區分城署廟壇之建置莫不有制有制斯有圖兵燹後無志可考圖亦弗存今繪於左以俟後之經理者

知商南縣事西蜀羅



文思初輯

商南縣志全圖

商南縣志第一卷

知商南縣事西蜀羅文思初輯

建置

先王建國必擇風雨之會道里之均而定居焉司空度
土作邑亦仿此意秦漢以降代遠化遷郡國廢置日異
而古蹟湮矣邑梁州之域魏景明元年初置名南商後
廢為商縣之層峰驛明成化十三年改商縣為州析州
之東南為商南隸西安府

國朝雍正三年改商州為直隸邑屬州今採訪考証廢舊

址新基皆可識其處云

唐 呂氏春秋堯有丹水之戰以服南蠻

今竹林關

竹書紀年堯五十八年放子朱於丹水因名丹朱

虞 契封內地史記契封於商水經注云丹水自上

洛逕商縣契始封此又昭明虞司徒契子初居砥

柱厥後復遷商

夏 梁州之域禹貢華陽黑水為梁州

商 商高封內地商高黃帝二十五子之昆孫以地

得姓周成王時封爵

周 上洛地左傳楚司馬起豐析臨上洛史記周威

烈九年楚人伐我南鄙至於上洛上洛今商州時邑上洛地

秦 內史南境史記商君傳衛鞅既破魏秦封鞅商

於十五邑號為商君

古商於六百里今河南內鄉有七茶舖又有於村鎮

西漢 上洛地元鼎四年屬弘農郡漢初邑商縣地元鼎四年復置上洛

東漢 上洛地建武十五年改隸京兆

魏 上洛屬弘農郡俱隸司州

後魏 南商縣地形志後魏長和郡置南商通志景

明元年南商在今商南西古層峰驛

今永安寨皂角舖

後周 上洛地屬洛州商志後周上洛郡領商豐二

縣今商州時邑屬商縣地 宣政元年改洛州為商州

隋 商洛縣南境舊唐書地理志漢商縣隋文加洛

字州志隋改置商洛以有商山洛水而名也屬上

洛郡

唐 商州南境屬關內道舊唐書地理志隋上洛郡

武德元年改為商州又天寶元年復為商州縣六

通志上津縣在湖廣鄖陽府界餘五縣上洛豐陽

洛南商洛乾元

考上洛今河南朱陽川豐陽今山陽洛南今仍舊商洛今商州之商洛鎮乾元今鎮安之野豬坪

五代 商洛縣地職方考五代商洛縣屬商州

宋 商洛縣地屬永興軍路宋史地理志商州領商

洛縣在商州東八十里

金 上洛縣地金史地理志商州治上洛縣商洛豐

陽皆舊為縣貞元二年廢為鎮又金史宋上洛郡

貞祐四年改隸陝州興定二年復屬商州元光二

年改隸河南路州志紹興九年以上洛豐陽屬金

州今興安後又以上洛乾祐昇金所謂割商秦之半

以鵝嶺為界也金以商上洛屬河南路廢乾祐為

鎮商志後漢乾祐二年改乾元為乾祐今鎮安之野橋坪

元 商州地屬奉元路元史地理志商州領縣一今鎮安

明一統志宋屬永興軍路元屬安西路雜南志安

西路元改奉元路州志金改置上洛縣元以屬商

州

明 商南縣州志明洪武七年降商州為縣統為商

縣地成化十三年復陞商縣為州而析州之東南

為商南隸西安府

國朝因之雍正三年以商州為直隸而邑屬焉州舊志

成化十三年巡撫原傑奏分商縣以東地置商南

縣初置層峰驛尋徙泃水西即今治又黃儼縣治

碑記成化十七年巡撫余子俊創建茲邑

通志謂上二說不同大抵初創置縣於層峰驛後

徙治於泃水西云今考各碑自成化十三年奏請

建城至十七年工乃告竣非二說有不同也

形勢

左依富水右據武關角山峙其北兩河經其南西安府志

面對羣山背負叢嶺左跨泃河右環峻坂誠南北襟

喉諸路館銘也

蘇治碑記

八景 州志未注

角山箕秀 北四十里初名雙峰如箕並峙聳秀雲霄角里先生托跡於此因名

洞水鼓音 南七十里洞水如鼓音韻悅耳

文碧疊翠 南四十里即青山疊嶂一色望之翠然經冬夏不改

富水夾雲 西二十五里即磨峪河兩水並行曲迴婉轉烟波流光相映帶

大嶺冠蓋 南八十里峯巒團結仰望如蓋為邑水

口林泉之冠

高樓梳洗 南九十里如怪石壘成層層高聳下列二石形肖獅犀有梳洗樓辨載藝文

鹽池鳥跡 東北里許昔有異鳥宿池跡結成鹽今

水味尚鹹

冰河水瑞 東關外即縣河水溫大寒不凍若科年

結冰必有魁者

八景增改

角山芝秀 秦角里先生隱處有採芝歌

文碧柳青 宋邵堯夫手植諱古蹟

雙峰高館 唐高太素暑簟清風館建此志流寓

層驛文亭 唐韓文公過層峰驛亭址存詩入藝文

鹽池鳥跡 昔有異鳥宿池跡結成鹽今水味猶寒

沐河水瑞 河水溫大寒不凍科年結冰必有魁者

高樓獅犀 如怪石壘成層層高聳下二石肖獅犀

洞鼓鏗鏘 洞水清流宛然鼓音聽之鏗鏘悅耳

星野

周禮保章氏以星土辨九州之地所封之域皆有分星以觀秋祥故熒惑守心宋讓其咎賈沈爲崇晉受其殃迺學者求其說而不得或指爲誣豈不迂哉

按邑界秦楚間天文書云扶風以西雒陽以南爲鷄火之次商州爲上洛本弘農郡東連楚西連秦在雒陽扶風之中正屬周之分野占柳星張無疑而雒南志則云唐天文志畫天下爲兩戒以北紀南紀定度循地測天謂井鬼分居兩河之陰陽而柳宿在輿鬼東按漢源當商洛之陽晉志自東井十六度至柳八

度爲鶉首秦之分野自柳九度至張十六度爲鶉火周之分野秦之史漢指亦畧同是邑占柳宿爲可信非然一隅之地分柳星張三宿有未當云

步天歌

柳八星曲頭垂似柳近上三星號爲酒享宴大醜五星守

分野考

商舊志云星野分於上河漢應於下商洛秦嶺以南之水匯入鄖襄允漢中城固洋縣漢陰石泉洵陽並

府屬之藍田俱爲柳星張分野於鶉火爲長

唐書天文志鶉火分野自華浦之交北負河南及漢柳在與鬼井又接漢源當商洛之陽接南河上流

唐地理志關內道商爲鶉火分

太史公漢書東井十六度至柳八度爲鶉首東井據百川上流鶉首爲秦蜀之墟得兩戒河山之首故謂商當鶉首之次

唐一行僧云東井居兩河之陰自河上洗當地絡之西北與鬼居兩河之陽自漢中東盡華陽鶉火相接

當地絡之東南商洛南接荆鄖東達宛鄧在函谷之
西太華之東其星分與鬼為是宛今南陽

括地志武關山為地門上應天齊星辰在未方屬庚

辛

柳宿考

柳八星凡十三度柳距西去北極八十二度入柳初
度自四度入午為鶉火之次其上六尺為黃道柳主
酒食及燕享嘉賓於七政為土於屬禽為雉於州為
梁於國為周於郡為弘農柳上三星為酒旗入星宿

初度凡五星守之及其星明顯酒禁大開有燕享之
事州志

隋書天文志柳八星天之厨宰也主尚食和滋味又
主雷雨一曰天相一曰天庫一曰注又主木功星明
大臣重慎國安厨食具

宋史天文志漢之銅儀以柳為十四度唐開元游儀
十五度舊去極七十七度景祐測驗柳八星一十三
度距西頭第二星去極八十三度

明史天文志赤道古各宿度柳十二度二十一分今

各宿度十二度四分各宿黃道本度柳一十六度六分

帝王世紀云黃帝推分星次以定律度自井十六度至柳八度曰鶉首之次於辰在未謂之叶洽於律爲蕤賓斗建在午今秦分野自柳九度至張十七度曰鶉火之次今周分野

晉書天文志十二次度数自東井十六度至柳八度爲鶉首於辰在未秦之分野屬雍州自柳九度至張十六度爲鶉火於辰在午周之分野屬三河

按州志謂商當鶉首之次爲與鬼之分凡宿之在天每一度在地應二百餘里自宋明以來測與鬼只在二三度之間今西安成長諸地皆占與鬼豈能復越秦嶺而東包括全商乎蓋州志以商占柳星張爲是雜志云明史天文志西安府之商縣華州之洛南皆張分額以雜東距陝州三百里而近柳三度既屬秦分則由柳四度至張十五度屬周分而柳自四度至於十二度四分逾二千餘里不應雜在數百里之間而徑入於張度也蓋雜志以雜占柳宿爲是今邑四

十里西與雒東界接壤考後漢書郡國志注自柳九度而下為鶉火之次則邑為柳宿分野益無疑

疆域

古者畫野分州制其地域而封洫之所以正經界考治績也故書重填固詩詠正域春秋譏汶陽鄆讎之侵賜履所關厥有定制未可畧而不書也

邑在州東少南二百五十里距省五百四十里幅員四百餘里編戶一里

東至河南浙川縣界四十里西至四條嶺本州界五

十里正西微南至姚家灣州河本州界一百四十里南至湖廣鄖西縣界二百七十

里北至盧氏縣界八十里東南至月兒灣浙川縣界九十五里微東南至木家凹浙川縣界七十里西南至山陽縣界一百三十

里至湖廣鄖西縣界二百五十里東北至界牌盧氏縣界五十里西北至雒南縣界四十三里州志

治東四十里接河南浙川界西五十里接本州界東南一百里接河南浙川界湖廣鄖縣界正南二百四

十里接湖廣鄖縣界西南一百三十里接山陽縣界東北五十里接河南盧氏縣界正北崇山峻嶺無路

可通約八十里接盧氏界西北一百二十里接雒南
縣界縣冊

西南至山陽縣城二百六十里西北至雒南縣城二
百七十里東南至河南浙川縣城三百里至京師由
雒南出潼關渡黃河山西路二千四百七十餘里河
南路孟津渡黃河二千六百七十餘里

商南縣志第二卷

山川

作鎮都邑宣導地氣山川其要已故封濬肇自虞書隨
刊著於禹貢其所由來者尚矣邑萬山重叠千流奔趨
形勝可表而載焉

龍山 城東一里與虎山對峙自北蜿蜒高聳狀如

龍緒西安府志

虎山 城西一里踴踞如虎馬志

按龍山虎山以在治之東左西右而名也

官山 城北關外方正厚重為學宮縣治後脉

界嶺 城北五十里嶺勢雄壯登眺甚遠西安府志今兩

省會巡處

寡山 城西三里其相近有雞公峪西安府志孤峯獨立

無山與偶因名

索峪 城西七里馬志峪出索草可作繩

分水嶺 城西十里嶺有水東西分流西安府志又名小

嶓嶺水經注漢中紀嶓冢以東水皆東流嶓冢以

西水皆西流故又名小嶓嶺

陡嶺 城西二十里往來要衝嶺有樓閣州志

角里先生隱雙峰今名角山此嶺土人呼獨嶺樓

閣記名陡嶺乾隆十二年春步嶺之巔有卧石二

片一大書角字一大書嶺字傍小書成化二年孟

五字餘磨滅無存聯之若符合因知土人誤角為

獨記易獨為陡俱以音訛也獨之呼獅犀樓為梳

洗樓普濟灘為不淨灘云

孤山 俗呼孤山子城西三十五里與州壤相錯明

天啟二年邑民李三讓父子拒徇賊處詳藝文碑

記

千丈山 城西北五十里接雒南界西安府志與角山並

峙高不可量登椒俯視者以為有千丈云

四條嶺 城西五十里南自清油河入嶺登降凡四

險巖陡峻與商州接界州志

商洛山 城南二里賈志一云四皓同隱處

雙廟嶺 城南二十五里上有雙廟西安府志

吐霧山 城南七十里其山高峻將雨則有霧起故

名雍勝

大嶺 城南八十里發脉於角山為楚豫錯壤其東

南有木家四州志駟嶺架屋樓黃冠子名大嶺觀

一名玉青宮

馬鞍山 城南百里楚豫交錯林有鐵旗杆相傳闕

賊屯營於此

青山 城東南四十里道通荆襄州志山色蒼秀經

歲如常建書院以名又號文碧山州志載邑八景

文碧壺翠色志文碧柳青即此山也

筆峯山 青山之右壁立萬仞形銳如筆為縣治案

山西志

龍王山

城東二里

西志

魚難山

城東八十里山下有水崖高數十丈魚不

得過故名賈志與河南浙川接界州志

雙峰

城北四十里今名角山南巖書角子山三字

土人呼角子山誤角為角也由南巖路轉又書清

風二字相傳高太素暑簞清風館詳古蹟

角山

即雙峰角里先生隱處故名聳峻如笋發脉

於終南連乎秦嶺為官山龍山虎山之祖其相近

有四山四州志

丹水

城西四十里即兩河自州入西南一百里為

上兩河合銀花河又東復還城南四十里為下兩

河州志

按丹水源出商州冢嶺之息祁澗黑龍峪過藍田

南流注之又東洪門河為韓峪河南流注之又東

南泥峪河合蒲岔溝東北流注之又東過熊耳水

道河即水經注分大荆川西荆川南流會于上板橋與

泉水漸流同為兩河導雷家洞入于呂家灣受武

關河又受清油河西至于魏家灣折而南流至于徐家店受縣河又南流注普濟潭又折而東出于

浙川

計丹水入雷家洞出浙川
流本境二百二十里

師婁潭

城西南五十里

不淨潭

城南九十里一名不淨灘即丹水下流

西安府志

俗傳梳洗水流入丹江因名渡江對岸石上鐫普

濟渡三字疑訛普濟為不淨紀之以備考焉

沫河

東關外即縣河發源於盧氏之界嶺南流五

十里入境又逕邑西南流四十里至徐家店入丹

水州志

寶子河

城南十里一名寶子河發源於濕地流入

縣河州志

索峪河

城西七里源出西北馬家崖流三十里入

縣河州志

商河

城西南八十里一名囚河東流入丹水

西安府志

湘河

城西南百里源出商州范家山入境流九十

里入丹水

西安府志

箔河

城西南百四十里源出西南索凹溝之龍潭

流五十里入湘河州志

滔河 城西南百七十里發源鄖陽自西南入境逕

大竹園又經秦家漫東流一百五十里入浙川

上扶川 城南百里

中扶川 城南百五十里

下扶川 城南二百里俱西安府志

富水河 城東二十五里一名摩峪河發源盧氏之

界嶺自東北入境南流至富水關六十里又東流

三十里入河南浙川之淇河

三角池 城南十五里其形三角中多魚鱉西安府志

今池土淤弗見旁一小碑記池有三角周丈餘水

色黑深不可度潛獨角獸傷人寶子河姓智名君

長者殺之乃平後南來卦子婦過池斡穢衣水立

渴記無年月日與土人口述相同姑錄之

史家潭 城南十里西安府志

龍潭 城西五十里石上一潭旁流不入甚深西安府志

花子潭 城西南百三十里初名風雨雷潭西安府志

石上三潭相連每潭周十餘丈兩旁懸崖下瞰形

勢險危俗傳至其地者稍不敬其中即雷聲隱隱
風雨間作潭水隨溢有西番花子破衣垢面從腹
中出腸洗數日乃去無恙因名州志

五狼溝 城西北三里樵者常見白狼五叱之輒無

形他志誤為五娘溝

鞞鞞溝

城西四十里州志

捉馬溝 城西二十里俗傳宋太祖於失馬寨失馬

此處捉馬詳古蹟

石槽溝

城西四十里州志

清油河 城西三十里源出洛南花犂坪自西北入

境納武關以東之水南流逕邑西至魏家灣入丹

水俗傳魯正思市清油處河因以名

打鼓洞 城南七十里洞水清流宛如鼓音聽之鏗

鏘悅耳

馬槽溝 城東北五里

鹽池 東關外北里許昔有異鳥綠羽長項晚宿池

中夜平聲鳴嗒嚙高徹雲表晨視之跡結成鹽今

無水尚鹹

南龍庄泉 城北三十里石嶺上周數丈天欲雨泉必起霧早禱多應州志乾隆十三年戊辰春旱魁為虐先日齋戒帥父老子弟步禱取泉造甘霖立沛四野霑足

城池

易稱王公設險以守國又云重門擊柝以待暴周禮夏官掌授管鍵以啟閉國門譏出入不物者故莒小而城惡春秋譏之為政者深復隍之慮可漫視耶

明成化十三年分商州地置商南於層峰驛尋徙治沐水西邑令鄭瑛築城鑿池至成化十七年工竣有教諭黃儼創建縣治碑記載藝文明末

國初寇焚城內民居一空邑令皆僑治永安寨今永安舖一名皂角舖古層峰驛也於山之南壘石建砦康熙年間始移入城或疑富水為層峰驛又謂層峰驛在商州地按通志魏景明元年置南商在今商南西則非東之富水明甚舊輿圖魏廢南商為層峰驛明以層峰驛為商南唐初陽城驛繼改富水驛由富水馳層峰一驛由層峰馳武關一驛則層峰驛非在商

州地又明甚

明嘉靖二年邑令郝宗儒拓其西幾二里高二丈池深六尺濶一丈

嘉靖三十九年邑令王舜民改建四門東曰通知南曰育流西曰安仁北曰鎮遠

萬歷七年邑令方本清甃以甃石

國朝康熙三十四年邑令宋廣業復拓之共周五里建城樓

康熙五十六年邑令程譖改修城門督部院鄂改題

東曰富水南曰商洛西曰清油廢北門止設城樓

乾隆十三年捐葺女牆奎星樓城樓東層起較高以

鎮虎山

官署

設官分職必有臨民之地蓋禮法所在政教所出於以竦觀瞻而專視聽也邑自明季流寇焚燬城居無存

國初官斯土者樓永安砦上誅茅建署康熙乙亥邑令宋廣業移歸城內構草舍數楹甲申邑令蔡名輔始易磚瓦與廢創繼之由悉紀而著之其後來者修葺於無替

云

縣署在城內東隅明成化十三年邑令鄭瑛建崇禎六年流寇焚燬州志

國朝順治八年邑令陳遇主建又流寇焚燬乃僑治永安砦後邑令李國統宋廣業蔡名輔相繼修葺州志

大堂三楹後右書屋二楹左門房二楹幕庭三楹對羣房四楹二堂三楹三堂三楹右廚廂四楹後圍房六楹康熙四十三年邑令蔡名輔建堂墀下東西相向書吏卷房八楹前爲儀門大門乾隆四年邑令郭

堂建乾隆十二年大堂圯重葺

典史署在縣署西康熙五十九年典史尹大用建州志大堂大門乾隆四年典史張恒建

訓導署在縣署西明倫堂後東西二楹乾隆五年訓導賀起熊建

巡檢司在富水堡即富水關康熙十五年裁州志把總署無今僦屋居

商南縣志第三卷

村寨

周大夫見道第而知陳亡孔宣父入蒲境而稱三善故
至其地觀其聚落而治可知也邑自兵燹而後炊煙寥
寥矣

國朝百年來承平日久生齒漸繁蒞茲土而撫遺黎得不
爲鴻雁中澤之計乎

編戶一里

邑一里九甲共十七地在城與保合寨原屬一地嗣

以錢糧多寡征役遂在城分爲半塢塢分爲半合爲一地餘十六地仍之

城西永安寨初邑令僑治於此因編爲甲之一
今永安舖
即皂角舖

永安寨 一甲 西十里

失馬寨 二甲 西二十五里

清油河 二甲 西二十里

塢塢寨 二甲 西三十三里

在 城三甲 入保合寨

保合寨 三甲 南二十里

摩峪河 三甲 東二十五里 即富水關

生龍寨 三甲 東南二十五里

青山寨 四甲 南四十里

梳洗樓 四甲 南九十里

韓家山 五甲 西南四十里

畢羅灣 六甲 西南九十里

呂家灣 六甲 西南一百里

梁家灣 七甲 西南一百一十里

姚家灣 七甲 西南一百二十里

村寨

湖湘河八甲南一百八十里 即鄭全寨

趙家川九甲南二百四十里 即什里坪

第十甲間雜本州之武關寺底鋪鉄峪鋪等處糧
入縣民屬州

舖舍

古者侯人修路館人戒垣墉燎人具膏燭遺人掌委積
各以其職自効今孔道驛傳猶仿其制至僻邑舖舍則
專司遞送公文而已每留前後交行人携帶羈遲誤
公在在皆有是貴嚴為稽查云爾

總舖 在城內

永安舖 西十里 一名皂角舖即永安寨
古層峰驛南商縣舊址

失馬舖 西二十五里

清油舖 西三十里

擱場舖 西三十五里 至本州武關
舖二十五里

共五舖舖司兵十三名工食銀七十五兩原額二

十五名工食銀一百一十五兩五錢三分四厘六

毫乾隆七年本州將舖司改為長夫五名總舖一

名共六名工食銀即於二十五名應支一百一十

五兩五錢零均勻分攤每名歲支一十七兩所餘
九兩五錢零給與旂羅夫乾隆九年奉裁十二名
存十三名照數復設每名歲支六兩共銀七十八
兩餘銀三十三兩五錢零解司庫乾隆十年又改
設長夫如前工食銀即於十三名應支七十八兩
內均分每名歲支一十三兩報冊仍照十三名額
今長夫遞送公文直往直來無沿鋪交接羈遲之
患但未經咨部恐遵行弗能畫一

關梁

周禮司險知川澤之阻而達其道路有舟楫以通行旅
有橋梁以利往來亦王政之大端也邑居萬山中西接
七盤古道東通豫省南達襄江凡境內旣要利濟者例
得並載

小嶺關 城南七十里關廢今名打鼓洞夾山鳥道
較大嶺關稍下而隘有一夫當關百夫莫踰之險

大嶺關 城南八十里其峯高峻可以南望荆楚

雍勝

關廢今有觀名大嶺觀

州志

前後險巖左削壁右

峻坡踰嶺者從下仰望而天上平地無幾康熙四

十五年土寇魏學吳據逆處詳紀事

石巖寨 城西南二百二十里其山周圍壁立萬仞
惟小徑可上僅容一人中有田一二頃豐腴異常
千丈寨 城西四十里即千丈山今廢州志 明季土
人築砦以避寇設吊橋莫敢近者

鄭全寨 城南一百八十里山四險如城中有田有
井可容數百人相傳明景泰時王彪劉千劬嘯聚
山中邑民鄭姓者倡率建砦衆賴以全因名

富水堡 城東二十五里即富水關古陽城驛其地
有築堡舊址明成化八年以蒲城王彪之亂設立
巡司康熙十五年裁

青雲鎮 州志金史地理志云在邑境九域志云青
雲鎮即青雲館荀子云青雲館乃清風館高太素
避暑處後人避兵於此易其名

永安橋 城東門外州志

晉惠橋 城東門外有東西二橋跨沭河分流處馬志

板橋 城東五里馬志

高橋 城東五里西安府志

石橋 城東五里 西安府志

新縣橋 城西十里皂角舖明季縣治寇燬後移居

永安寨時所建州志

按永安寨即層峰驛南商縣舊址所謂新縣橋今

東門外之橋所謂永安橋乃西十里永安寨之橋

曰新別舊址也曰永安在永安寨也

龍潭橋 城西二十五里

捉馬溝橋 城西二十里

馬槽溝橋 城東北五里

田家河石橋 城西二十里

桃林溝石橋 城西二十二里

窰子口石橋 城西二十一里

徐家店官渡 城西南四十里乾隆十一年設渡船

張家河官渡 徐家店之上今名官渡灘

道路

道路以通行旅利往來其間偏隅小徑為奸宄出沒所

不測邑天啟壬戌徇賊李文興從北羊園溝掠孤山順

治甲申李自成奔楚由東富水出馬蹄店下梳洗樓康

熙乙卯逆藩吳三桂煽亂丙辰湯偽將軍入自南趙家川徐家店又康熙甲申土寇魏學吳由雒南三要司西踰清油河沿丹水據大嶺觀今將經邑水陸道路備詳於關梁之後

水路

自湖廣襄陽府湖漢江歷穀城光化至均州之小江口二百八十里入口經河南內鄉境至浙川一百六十里又一百五里至荆子關二十里入邑南界月兒潭五里至梳洗樓九十里徐家店一百一十里竹林

關一百一十里龍駒寨以上水路共八百八十里水路用船襄陽至小江口大船載米百十石自小江口至梳洗樓船載米二十石自梳洗樓至竹林關水淺灘多載米八九石竹林關以上遇水渴起載陸運至龍駒寨船價低昂不一約中價載米一石銀五六錢不等計船一載作驛十馱

陸路

自龍駒寨至沙河八十里又二十里至商州七十里大商塬二十里秦嶺鋪踰嶺七十里藍橋四十里陝

七盤至坡下通典云七盤十二絳藍關之險路

州志云商洛山誤

陳大中承乾隆十一年捐俸委商南典史張恒監修自

商州胭脂塢至藍田坡底所費不貲今化七盤之險

為平地馱轎可往來矣坡底由狄寨塬抵省七十里

由藍田九十里以上陸路共三百七十餘里

陸路驪價低昂不一自寨至省約中價每百斤銀七

八錢不等一驪馱二百斤上下

每二百斤作八十斤起價

通襄陽陸路

邑東六十里至浙川之白塔八十里張村七十里巡

檢司八十里至內鄉之丹水舖九十里羅庄又九十

里至鄧州八十里太山廟又八十里至襄陽之樊城

以上共六百三十里

通南陽陸路

邑東至丹水舖二百九十里從丹水舖之東七十里

至內鄉一百二十里至鎮平九十里至南陽以上共

五百七十里

從丹水舖東北八十里至四坪崗一百八十里至南陽近二十里

水陸載運

自龍駒寨用人夫負運至七盤坡底可換車康熙三

十二年關中西鳳饑將襄陽倉米二十萬石由丹水過邑境運至龍駒寨分三百七十里爲十二站到西安每一人負五斗運一站給銀五分通計水陸腳價每石合銀一兩七錢米五斗盛布囊縫實印記差率官押各站兵收發有單遞相換驗旦暮稽查石稱斛量無敢侵耗

自襄陽南陽來大車可至丹水鋪小車可至巡檢司驪轎直過邑城內達西安省邑西二十里失馬寨又四十里至州之武關又四十里鐵峪鋪又四十里龍

駒寨

邑城至龍駒寨
共一百四十里

水灘

通志云龍駒寨爲商船輳集之所自寨至豫之浙川重灘疊瀨險峻多石每爲舟楫患然關中乞糴楚豫由此舟運勞費甚省是亦秦民利賴之大者也故於丹水諸灘詳綴於此庶有心修濬者得有所考按襄陽至龍駒寨水灘甚多其險而可名者一百三十有六邑境內自梳洗樓以上雷家洞以下共六十有八內最險者二十有四乾隆十三年

陳大中丞檄本州佑勘俟修

雷家洞以下

王家洞最險

姚家站

姚家灘最險

篾子灘

母猪灘最險

梁家灣最險

皮鉢子最險

回回鼻最險

上周家灘最險

下周家灘最險

茶房子

駕鴛子

呂家灣

戴溪河

閔家圪塹最險

紅蘿蔔灘

白蘿蔔灘

香毛灘

鐵匠灘

秤鈎灘

竹裏溝最險

羊皮峽

武關河最險

畢家洲

鴉雞灘

兩來溝

觀音上灘

觀音中灘

觀音下灘最險

魚家崖

圪塔灘最險

瓦房灘最險

昇子寺最險

師婆子灘最險

鯊灘子

皮狐子

官渡灘

黃龍尾

上徐家店

下徐家店

龍虎三灘最險

大草場灘最險

小草場灘

大巴東灘

小巴東灘

青泥窩

黃石梁

大炭溝最險

小炭溝

烏龍漩

烏龍灘

重盤灘

猪槽灘

滾子灘

釣金崖

搖鈴河

上白銀灘

下白銀灘

長樂灘最險

磨兒灘

黃周奎

廟溝灘

湘河溝

四字坪

水灘

大連灘 最險

小連灘

馬鞍灘

不淨灘 最險

以上灘至梳洗樓止外界牌石月兒灣白石灘共三灘亦在邑境內

